

孫淵如先生全集

序

予初入翰林謁毘陵孫淵如先生于京第當其時汎汎而已其後在山東同官始知先生抱慈惠之心守耿介之操凡一事之有利于人者無不爲也凡一事之有蠹于國者無不革也百姓愛之若父母百吏尊之若師保予罷歸未久先生亦以親老歸養卜居金陵而予適因張文敏公招課諸生僑寄秦淮之上無十日不與先生相見肝膽相許申以昏姻古人苔岑之好未有若斯者也非惟香火之緣深蓋寔有道同而志合者焉先生著書甚夥其有關於經術小學者皆已付梓行世惟所爲詩秘而不宣予屢勸之出而

未許也嘉慶戊寅先生以微疾遽歸道山令弟星衡  
乃裒集先生平日所存詩草編爲十卷亦不能次其  
先後蓋蒐羅于叢殘之中而略以類相從云爾削剝  
旣竣復附以王采薇夫人遺草一卷夫人乃先生元  
配文藻過人先生終身不繼室亦爲嘉耦難再得耳  
先生詩初效青蓮昌谷以奇逸勝人先輩袁簡齋嘗  
謂近代詩人清才易得奇才難得而推先生爲奇才  
晚年冲和靜穆乃近香山老人舉世尊之而先生乃  
欲然不自滿今其詩具在視黃仲則洪樸存有過之  
無不及也二子皆毘陵以詩鳴者也少與先生齊名  
故妄爲論斷如此吳縣石韞玉序

芳茂山人詩錄序

芳茂山人詩錄者孫淵如通奉自錄其詩及其弟南麓通守等蒐輯爲十卷者也通奉雅不欲以詩傳暮年從友人從與選存僅四卷耳其精嚴若此蓋通奉專攻考訂研覈小學證據古經非三代兩漢之書不觀也所著周易尙書悉取漢晉以前說縷列綜貫不作一杜田語日與其徒討論金石文字購宋槧擇舊書之無傳者付之剞劂其於詩古文詞隨手揮應非篤好也先是文體華瞻經學剿說居多鉅人碩儒出以許鄭爲宗實事求是海內老師宿彥大雅博聞之士同聲發明翕然推獎庠塾之講貫孝秀之選舉皆

出乎是天下靡然向風矣然其弊分文析字襲縮詭  
蒼矜一名一畫之奇而失篇章之體要甚且置五經  
爲陳言剽刺汲冢竹書不經之語以爲新義其害更  
甚于荒經蔑古此詞章撰著之家所由嗤爲厲鼎也  
余於二者皆無所得而通奉許爲通品相與較量經  
義於六書之轉注及張霸之秦誓議論亦小有不合  
然竊歎通奉好古有識其天資學力有大過人者非  
膚受皮傳片接寸附者所可幾及讀其詩則直追曹  
劉鮑謝次者亦不失爲昌黎昌谷與風騷相推激此  
眞合考訂詞章爲一家而各造其極者也詩顧可不  
傳乎哉通奉長余七日生近歲同寓金陵方爲耆英

之會而通奉遽逝今南麓刻其集以示余屬爲之序  
撫卷披吟不勝人琴之悲與宿草之感也通奉者所  
請二品封隨其尊甫同拜 詔命而尊甫書  
屏先生年九十餘矍鑠猶昔余每一拜謁輒念九原  
有知亦當色喜序其詩因并及之時庚辰首春四日  
長沙唐仲冕序

芳茂山人詩錄目錄

澄清堂稿卷上第一

賦二首  
詩二十四首

館試春華秋實賦

館試鍊雲生水賦

遊茅山偕洪太

禮吉作四首

中州送邵太史

晉通入都

李斯泰山石刻題後

遊黃山效庾信體

曉偕莊公子

達吉舍弟星衡至盤屋仙遊寺觀

玉女房值莊明府

所自爛柴坪回紀遊

山齋曉起

芳茂山人詩錄目錄

潤州舟次偕黃二

景仁

作

江陰舟夜同呂大

星垣

作

夜坐寄友

對月苔室人作

朱相國師

珪

招飲卽席賜詩依韻和呈

題天津沈觀察

長春

振瀾圖

齋中四木

四首

咏古

題胡孝廉

虔

說經圖

題朱方伯

勳

撫松圖

題阮中丞

元

雷塘表墓圖次翁閣學

方綱

韻



澄清堂稿卷下第二 詩三十四首

召鼎歌畢中丞 沅 席上分韻

偕楊三 倫 洪大 禮吉 黃二 景仁 放舟看荷至平

山堂

黃二 景仁 遊黃山歸索贈長句

九月十四日泊舟京江道中偕婦步月作

宿江上

愁夜

王廣文 吉士 沈公子 紹祖 招飲偕洪大 禮吉 看

月作

青元觀看菊贈徐道士

題沈公子行卷

與洪大禮吉晚步

登廢寺千佛樓作

荅洪大醉後之作兼懷黃仲則

花下獨飲

樓上

題樓上倚聲圖

入茅山作

小除日毘陵市中別洪大禮吉楊三倫陵作

壬寅八月十一日夜西安節署終南仙館步月

聽趙芝雲彈琴作

冠山堂夜飲歌東姚廉訪

願湖南

聞鵬曲在潁州作

趙子昂畫馬歌在中州節署作

與洪大

禮吉

醉臥古冢明日戲作

偕莊明府

所

同遊樓觀作歌

徐民部

大裕

所藏戴暉門牛圖

題聽雨樓圖

偕句容朱文學

鏞

及王公子

蔭可

出遊得梁井

欄題字作

題黃二

景仁

所藏黃山圖

夜坐吟

秋夜曲 二首

鄒縣山程訪女媧遺跡

倚松靠石圖爲張轉運 映璣作

題熹平石經榻本次翁閣學 方綱韻

題周太守 光裕 鄔關花柳圖

澄清堂續稿一卷第三 詩一百二首

草菴攜酒與王七 廷瑜 至城上飲有懷洪大 禮

吉

寄洪大

游攝山詩 四首

大風登樓霞峯偕洪大

七夕

山行

正月一日

夜起步月偕婦王采薇

復與王采薇步看月

徐溝道中九日偕舍弟

星衡

題壁

偶作

丹陽村居晚憩

揚州集方立堂齋中同汪劍潭金晚芳諸君作

出郭游駱氏園

飲王廣文

吉士宅

曉行句曲道中 二首

江寧道中作

自隨園登清涼山以不識路止 二首

攜酒上雨花岡飲醉復渴永寧泉作 二首

烏夜啼

長相思

貴家謠

得洪大書

閩人制衣

飲烏翅岡王園樓上與林大 崇禎 洪大 應吉 分

韻得雉字

贈錢塘蔣大令

星耀

細樹

與洪大王七攜酒至城上夜飲同作卽以別洪  
大

洪大屬題雲溪一曲圖並有黃二

景仁影

題畫冊同洪大作

二首

荅滁州張秀才

龍光

駱廿二乘槎圖

鄉人有言饑民者

月下自韓城至邵陽訪朱縣丞

恂

口占

曉征行

臘月四日偕王半菴莊恂齋舍弟仲瑋遊盤屋

白龍池口占一首

割麥詞

長安得古印文曰孫喜與予小名同口占一律  
蔣立厓丈自塞外歸過大梁屬題寫影

別長安

十七首

潁州道中閱邸報讀弇山中丞辟雍詩及留漕  
疏稿喜而有作二首

汝南道中寄別熊存甫太守

賦得鑑不辭形

賦得講易見天心



題查相國九石圖石自西征攜歸

廿九日同譚同年光祥夜飲口占

題王秋塍復秉燭堂雅集圖

西苑校書卽事次朱舍人文翰韻四首

耳秋山房招同人作消寒飲四首之一

醉司命詞二首

題慶比部保畫螭

前孫公園有宅一區中多變怪居者輒被挪揄

以去自予移居怙然無恙庭前枯松復生因

屬野雲作圖並綴小詩於上方二首

癸丑重陽日值日香山口占二首

宋孝廉

葆淳

以肆中周簋見示分俸購之口占

奉贈

二首

次韻寄荅洪翰林

亮吉

嵩山古柏圖次原韻爲胡大司寇

季堂題

題張刺史

道澍

墮驢圖

四首

寒夜小飲次英夢堂相國韻

四首

水屋道人張

道澍

以畫幅見贈風景甚似竹里

江乘之路因憶舊遊口占二首贈之

題慶比部

保

小影

四首

次韻荅船山翰林見慰墮車之作

又荅船山翰林

濟上停雲集一卷第四

詩五十三首  
附詩十四首

自厯下之官兗州道中卽事

附三首

次韵荅阮芸臺學使同年

元東招卽往厯下之

什附詩七首

十月十一日巡視曹單河防作

乙卯歲小春下旬隨李河帥

奉翰

乘版舟巡工

濟上是日風寒歸後蒙惠海龍裘賦謝

二首

嘉平望日自濟上回兗州是夕大雪

正月十一日同黃小松司馬

易

至嘉祥山中訪

武梁石室畫像小松作圖紀遊

三首

春日行部曹南道中卽事

二首

斷獄方與歸濟上道中口占

附一首

呈謝玉中丞

德

賜題先文介公殿試策二律次

韻

金鄉城西北訪漢扶溝朱鮪石室

和袁太史枚除夕告存詩

題南樓卻扇圖贈吳山尊妹壻

肅三首

詔予監司言事恭賦一首

曹南督送赴楚官兵寄畢制府

沅

荅馬秋藥同年

履泰

比部

附一首

感事

魏比部

成憲

奉使江南過境不晤作詩見懷次

韻奉荅

附一首

聽鶯圖爲恩觀察作

三首

春及草堂看牡丹

登第一樓柬阮中丞

元

題張徵君池上草堂畫幀

題西溪訪梅圖

爲金雲莊比部

德輿

題李憲吉明經

旦華

遺影

二首

遊湖上至玉泉靈隱寺及紫雲金鼓諸洞口占

卽事柬宋助教

大樽二首

湖上看牡丹

阮中丞五月十二日招同程易疇

瑤田

段懋堂

玉裁第一樓雅集

贈阿臬司

禮布二首

將抵金陵道中口占

贈洪太史

亮吉

題許秋巖太守

兆椿

畫幀

四首

贈鈕大

樹玉

題何蘭士

道生

詩卷

十月朔日曾都轉

澳

招飲休園分韻字字

秦小峴觀察

瀛

春溪垂釣圖

三首

桂林授經圖爲家方伯

日秉

作三首

題許秋巖太守問耕圖 二首

題張蠡秋 曾虔真二首

馬融石室口占

爲家方伯 日乘 題王蓬心太守所摹董北苑瀟

湘圖

王觀察 象儀 于署中葺茅茨作詩次韻和之

次韻荅洪雅存太史 亮吉

歸硯圖爲袁授階 廷檣 題

題張子白同年大令 若采 西涼春色圖卽送之

任 四首

題畫 二首

偕洪大稚存探梅隨園飲小倉山房次韻

蘇文忠祠堂圖爲秦小峴觀察作

張穆庵轉運映璣屬題雲在山莊圖所寫歷下

某氏園也三首

白公祠爲任太守兆炯作

租船詠史集一卷第五詩九十五首

新除山東督糧道之官口占

山左道中

倉史廟

試院卽事次鐵冶亭中丞保韻二首

再至東省過河漫各縣二首



次韻荅吉漕督繪

題左寧南復督師孫高陽檄調揭帖

題息隱園圖四首

通州視三弟星衡于三角淀口占

次韻荅吉漕督

李鹽政招飲次裘制軍行簡韻四首

題梁匠誨同年鳳雛山館圖二首

題閨人眞四首

石琢堂殿撰韞玉北行留別一詩次韻奉荅

題春帆北上圖二首

華秋槎司馬端潢北山旅舍圖

匡廬識面圖爲胡維君

度作三首

周駕堂給諫

厚轅

視漕天津兼權鹺使詩以紀

事

題停琴佇月圖

三首

金雲莊比部

德輿

得岳祠銅爵將歸岳氏屬題

李觀察

廷敬

座中分賦

七首

舟泊揚州大雨三日夜以郭河陽夏霖圖留贈

曾都轉

煥二首

六月三十日抵栖霞口占時乞假南旋

六月三十日遊栖霞在珍珠泉壁見王夢樓太

守詩次韻和之因寄汪春田太守

爲霖二首

山左彌月望雨余入境過郟城費縣寧陽連獲

甘澍喜而有作

二首

題牧牛圖爲孫大令

良炳作三首

讀漢紀偶成

題余秋農

旻

丹陽道中踏雪聯吟圖

二首

華秋槎司馬觀瀑圖

邢侗山大令

澍

松林讀書圖

轉粟北河舟中卽事口占

十首

庚申冬日同人集一榭園閱十年矣偶屬吳山

尊學士

肅

題冊有感舊遊率賦二律卽用唐

陶山刺史

仲冕

元韻並以寄之時己巳年七

月五日二首

題徐河督端漢水秋屯圖次鐵撫部保韻二首

僞廉史

迂書生

西湖三舟圖

題馮刺史湖三士圖

贈汪春田太守南歸四首

題姚尚衣良行樂圖

季春上浣得雨偕汪刺史爲弼張州佐玉城泛

舟次韻二首

天津令任同年銜蕙招飲并柬胡同年觀察鉉

天津道中魴魚入饌口占

倉場王侍郎

寧

戴侍郎

均元

招同洪殿撰

瑩燕

集尚書館卽席賦呈

二首

德州偕吳學士

蕭嚴孝廉

可均

周刺史

履端

放

舟衛河小飲次韻

送吳學士

蕭還山

用唐刺史

仲冕

韻

二首

德州晤朱觀察

爾廣額

口占贈之

二首

冶城絜養集卷上第六

詩九十六首

題東山絲竹圖

宿清黃交會口舟次口占

題嚴子陵却聘圖

二首

得趙文敏所書曝書二字以署書樓口占二絕句

郭文學

應

以神廬圖屬題

三首

古詩

三首

辛未歲臘八前一日遊焦山遇大雪信宿而返  
山僧借庵索詩用蘇子瞻放舟焦山韻走筆  
付之

自焦山放舟登岸仍次前韻

題周上舍

廣衡

入關登華圖次吳學士

肅韻

餞春次查京卿

有折韻

二首

題筴侍御

重光

鬱岡栖隱卷

題方閩督維甸青溪放權圖次朱文正師韻

慶方伯保出尊甫尹文端公遊攝山圖屬題次

卷中韻四首

渡河

題慶方伯保宦遊清興圖冊十首

題方閩督尊甫恪敏公觀成萬松丙舍圖次韻

得吳太守階書却寄

題胡玉昆處士金陵名勝圖八首

五畝園看罌粟花

題國山碑亭圖

題姚方伯合儀秋山賭墅圖四首

題吳君

文徵

所畫東方三大圖

遊仙詩

六首

題屠大令

倬

說詩圖

三首

題三高士圖次王雅宜

龍韻

三首

乙亥歲正月十日病中換尙書今古文注疏成

因題元戴淳伏生授經圖

蔣大令

因培

官泰安浚代頂玉女池得秦相李

斯篆字殘石見寄楊本索詩

題空山聽雨圖

三首

題沈司馬

恕

所藏曹銳畫卷

洪太守

梧

汪太守

端光

招飲梅花書院出九日



行庵文燕圖索題馬氏玲瓏山館物也

張太守

問陶

爲予題半身小影次韻荅之

題廖轉運

寅

歸鶴亭次韻

白桃花次韻

得周號叔鐘歌次韓昌黎石鼓詩韻

百節相招同石鍛撰

韞玉

陳太守

燕

偕余燕集

制署令公子出拜賦呈一律

臘月十九日爲蘇文忠生日招集同人設祀五

畝園次集中遊蔣山元韻

贈張生

梁

次許漕督

光椿

韻二首

江光一綫閣次姚比部

蘇韻

秋郊口占

唐太守

仲冕

石殿撰

韞玉

先後假館五松園有

詩贈予次韻荅之

四首

五畝園落成口占

十二首

冶成絜養集卷下第七

詩三十二首

題羅山人

聘

爲予寫昔夢圖十幀

十首

題吳君

文徵

爲予畫江湖負米圖六幀

六首

題吳君

文徵

爲予畫海岱褰帷圖十幀

十首

題吳君

文徵

爲予畫歷下甸宣圖四幀

四首

得公中所作已白鐘次蘇文忠石鼓歌韻作詩

紀之

張君

開福

從海濱得吳天紀輒贈予卽次來詩

韻荅之

冶城遺集一卷第八

詩一百二十三首

題溫忠烈公

墳

遺像

蘇文忠公壽燕詩在西安畢督部

沅

署中作

試香

對月

六哀詩

六首

遊隨園贈袁太史

七首

偶成

二首

酒後步月

二月花

花開

清明

寒食出遊

題吹簫引鳳圖

愁夜

題繩旃伯父畫

二首

口占送萬大令

應馨

之官仁化

闕題

新開河放棹東章觀察

攀桂

仙游潭口占

臘八日出游贈莊明府

所

口占贈莊公子

達吉

瓊樓

殘愁

梅莊訪陳華南郡丞其地本韓蘄王宅

四首

題羅小峯梅花冊

二首

玉蘭

牡丹

菊花

月季花

題梁匠誨孝廉接山草堂圖

題金月湄舅氏解鈴圖 二首

針魚鰓望對江翠蘿諸山

闕題

伍詒堂索題南山圖乃王麓臺爲其先世張太

夫人作

移家金陵卽事 四首

遊攝山次江總遊栖霞寺及虎穴寺韻 二首

題家頤谷侍御深柳勘書圖 三首

題紅蕙圖

汪紫珊西園餞別圖 四首

題陳進士凝齋遺影次姚太史韻

題甘夢六桐陰小築圖

黃梅次韻 二首

題靜坐圖

次韻贈張船山

慶方伯以其尊甫尹文端公遺象及袁簡齋王  
夢樓象合裝成冊又自寫小象并寫張船山  
及予象彙爲一冊屬詩紀之

題六梅閣詩冊

闕題 二首

題吳思亭禪趣圖 二首

題嚴小秋憶秋圖

古詩

題陳舍人

希哲

天寒有鶴守梅花圖卷

題巴臬使

哈布

看劍引杯圖

六首

題地樓夜集圖

揚州方立堂招飲作

爲吳玉松太史

雲

題蓼花圖

題裴孝廉

鑑

午橋耕讀圖

題汪大令聽泉圖

爲吳思亭題錢穉石先生蘭竹

餞春和戴竹友

延祿韻

題陳舍人

守譽

薊莊山居圖卷



僑居金陵客有比予隨園者戲作此詩

隱仙庵古梅

十一月廿一日慶方伯過常州屬題黃灣泛月

圖卽次元韻送入

觀四首

惠山第二泉觀魚口占

題周勛齋載菊圖

三首

又題鄧尉探梅圖

三首

題采芝圖

題王觀察

廉言

憶舊游圖八幀

八首

閩督董同年

教增

歸里賦贈

題嚴子陵却聘圖三首之一

題周明府午日山居圖

乙亥花朝同人集五畝園吳思亭有詩見詒次

韻奉荅

方觀察

體

招飲署齋時新葺綠雨山房次吳思

亭韻

殘鐙

冶城集補遺一卷第九

賦一首

詩五十七首

館試千尺雪賦

長門召幸圖

閉門

俠客行

送別

寄洪大

禮吉

雜詩

三首

陶隱居遺址

神仙曲

自江寧至和州途中作

四首

幽居

夜坐懷吳二

春感

二首

曉渡烏江

曉坐

寄內

病目

入塞

和胡雲坡宮保師紀

恩詩元韻 三首

闕題 二首

題折蘭美人 三首

送徐臬使 所之任江西

雷茵

題青山莊方古圖

立夏前一日趙味辛 懷玉舟過吳門小集授書

堂味辛與林遠峯 鎬俱有作次韻和之 二首

菊有同枝異色者紅黃並放因屬袁吏目爲圖

口占紀之

題汧小愚桐陰聽鶴圖

二首

題甘子湖敬侯墓碑

寄王生

闕題

二首

九月晦日王通守招集得樹庭作

重疊前韻寄方觀察

體

單父塞河詩

三首

曹南道中卽事

九月二日工次作

丁巳四首

將歸江左作

吳次升太守送牡丹至金陵却寄

畢弇山中丞見示木瓜詩次韻奉和

四首

嘗讀抱朴子自序云洪年十五六所作詩賦襍文當時自謂可行至於弱冠更詳省之殊多不稱意天才未必爲增也直所覽差廣而覺妍媸之別於是大有所製棄十不存一余少與里中士洪稚存黃仲則楊西河趙億生爲詩歌弱冠時持謁袁簡齋太史頗蒙賞歎已而潛心經史涉獵百家檢視舊稿嫌其淺薄時時酬接亦有所作輒不存稿茲錄簡齋蘭泉兩先生選入詩編者并零星稿紙得賦詩若干首律詩未能編帙猶俟搜輯散失焉星衍記

澄清堂詩稿卷上

芳茂山人詩錄第一

賦

館試春華秋實賦

以學如種樹玩  
華登實爲韻

有才望之昭彰。與行能之貞確。比碩果之秋成。想繁  
華之春擢。憶世家之喬木。樹莫如人。問孰圃之深根。  
殖其猶學。則有河間譽重。鄴下才儲。備家丞之妙選。  
感庶子之陳書。有斐成章。似吳公之知賈誼。其材我  
取。擬得意之薦相如。落邸方開雅才。宜重藉典籍之  
菑畬。治硯田以溉種。芳菲而忽稱風柔。甲拆而適因  
霜動。采榮華而勿棄。恐過時萎。獨彫飾以奚辭。爲知  
已用。華灼灼以如霞。實纍纍以承露。回黃轉綠。九秋



則不讓三春。擷秀。舉芳。百穫則終。資一樹。本人力之栽培。亦化工之宣布。爾乃六藝枝條。九經根幹。詞華方振。似大塊之敷施。昭質難虧。比加籩之璀璨。文多而或奉。揄揚木強。而或難把玩。吹噓先及。扶植宜加。旣收羅其厚實。亦兼采其韶華。使積薪兮莫嘆。寧頌橘兮興嗟。一歲陽回。笑千年之蟠木。萬頭樹美。異八月之枯槎。方今四時不忒。萬寶咸登。上量才以器使。下作貢以筐承。非種必鋤。旣蓬麻之自直。踰淮寧化。詎枳橘之殊稱。士有桃李無言。棟梁負質。良方鄭國之。三才陋建安之。七誰爭不朽。薄秋菊與春蘭。若可來遊。待桐花與竹實。

館試鍊雲生水賦

以零雨自天雲興四岳爲韻

有山川之佳氣。盪天地以成形。或方興以直上。乍飛去以還停。恍似霧以非煙。崇朝而合。將濯枝以潤葉。徐雨曰零。覩元氣之相磨。想大鈞之暗鼓。雲待族以騰空。水應時而始雨。金枝一現。忽同大冶之投銀魄。全藏不用。方諸之取爾。乃借宇宙以爲爐。鍊陰陽以作器。春蒸潤礎。非關真宰之心。夏燒成峯。誰識化工之意。訪屏號以問故。馭氣誰令就媧后。以求方補天何。自始霏微以數點。終滂沛以如泉。有自無生。始信碧虛之妙。子從母取。平分金德之權。質繞指以雖柔。性原觸石。象在型而猶躍。勢欲凌天。山興雲以致水。

木鍊火以生雲氣。乘空以渾渾。物待澤以欣欣。托大塊之甄陶。噓成噫氣。想神功于橐籥。燄借朝暉。夫其運精而起。含澤而興。密在西郊。布澍而非。因燕舞升。從東岱爲霖。而詎假龍騰。望素影之千重。疑消夏雪。覩寒光之一片。似泮春冰。道本運乎自然。功非同乎強致。占還有象。七蟠則日可期三。測竟無窮。一勺則瀆分爲四。比還丹之在鼎。九轉通神。異赤頰之生金。十年洩祕。今天子德運旃幪。恩溥優渥。瞻雲共見。中天旣仰。欽明若水同歸。上善咸資。明覺待扶。日以干霄。庶揚清而激濁。百川潤下。將表瑞于榮光。五色呈祥。卜降神于崧嶽。

詩

遊茅山偕洪大

禮吉

作四首

宿元符宮

琳宮鎮山坳。高下飛軒櫺。征鞍上盤盤。日暝客始停。  
遵途百勞忘。尋異千念盈。徑微已三折。屋暗仍重扃。  
獨上快曳衣。孤行危建瓴。道士然炬來。開門導前行。  
靜覺鼠齧松。微聞鳥梳翎。林空虎氣逼。草滑蛇涎腥。  
山頭白濛濛。寒氣生夜明。猶被露華涼。遠聽風笛橫。  
悄然步初還。遊侶見自驚。幽房感仙蹤。客夢冷易醒。

上大茅峯

晨策登危峯。峯危屏鞍騎。巖阿氣候變。僕從神色異。

目流衣邊雲。足滑崖上翠。陷知仙蹤深。斷若鬼斧利。  
迴轡隱泉響。暗谷聚風勢。蟻行信威夷。猿升亦凌厲。  
倒視白日懸。仰干黃雲蔽。寒空四垂光。積氣浮厚地。  
惟聞天雞鳴。不見井蛙沸。靜懷鴻荒始。遠覺身世細。  
誰能逐輕塵。擾擾此中寄。

入蓬壺洞

一途走山腰。一徑入地腹。華陽洞名已參阻。玉柱洞名復  
洄洑。茲遊稍通人。所歷亦娛目。奇峰訝孤豎。密理看  
斜矗。冬溫蒸厚地。潤響滴虛谷。初驚石鄰鄰。始見沙  
漉漉。捫蹤走妖怪。穴竅散蝙蝠。垂乳甘可餐。流膏滑  
難觸。心疑轉仙徑。曠蕩見平陸。居氓襍義皇。邨舍散

花竹道人見纔訝。謂此足蛇虺。微微濕氛腥。慘慘毒  
霧蓄。朋行勇蹴踏。我興恥瑟縮。惜哉萬丈窟。不繼一  
寸燭。山靈厭搜覽。居客怪剗剗。莫附杞人憂。將貽謝  
公辱。

懋鬱岡

尋幽轉巖隈。攜杖行數里。離崖樹歷歷。出地石齒齒。  
羣峯已低環。茲岡復孤起。山棲寡俗駕。客至道人喜。  
開門響叢筠。繫馬落松子。檐澀挂薜蘿。堦荒合榛杞。  
蕉心冷逾碧。茗味苦還美。星燈禮金仙。雷火合石理。  
庭前有雷合碑遐搜已折屐。促坐沉陳簋。念沈鐘聲前。影閉  
竹花裏。耽奇悵將去。卧靜想無始。道路何茫茫。霜林

亂紅委。

中州送邵太史晉涵入都

平生慕兩賢。非友而若師。束修好經籍。往往夢見之。  
其一錢少詹。識我弱冠時。注書挾淵原。辨字求据依。  
前賢謬稱許。謂云戴可追。辛眉先生初致札星東原。行有東原替人之語。  
真天人。我聞慙且疑。一爲校理君。時徵入天扉。  
點竄四部書。校錄三通碑。若著輿地金石碑目。我方走江介。離  
隔如雲泥。長裾曳朱門。漸蒙孤陋譏。遭逢得良友。與  
我門識知。汪狂而錢倨。更有洪君奇。謂容甫。獻其學之異存。  
乃精絕獨到。一世希孤蓬。生于麻。白沙入以繼。千年  
枕經籍。自以元朗期。欲撰續釋文。此事茫無涯。先抽

爾雅篇蟲鳥苦究推。削其偏傍加。古是而今非。廣撫

郭舍人樊孫高誘鄭成康乃其枝。參軍小齟齬。叔重吾綱

維。蹉跎未終成。行役以自攜。側聞校理君。著此二十

棋。聲音訓詁閒。質証書易詩。經經自相勘。所失無毫

釐。徵信漢魏儒。闕疑不自欺。措言又平準。未肯參軍

隨。亦取正義名。冲遠詎等夷。陸佃鄭樵輩。無穢不足

資。君書若行世。焚硯亦不辭。後儒苦參訂。惟恐徵言

微。浮名本浮雲。豈以恤己私。前年走京闕。謁君叩門

籬。握手喜欲狂。禮意不及施。干言累匈臆。有若絲不

治。又若大澤雲。四起無端倪。徐徐辨涯涘。漸漸如醴

醕。是時君念我。恐有方朔饑。俾修石渠書。議功以入



貴

時子欲得職官表贈錄閣校乃紀總憲陸廷尉過愛謂當以纂修薦遂致不就

所計亦未

成感激肝膽披逡巡逐秋風匆卒走路岐君書不曾

見回首以恨滋去年客遊梁主者韓昌黎

謂昇山

好

賢苦饑渴賞我以不羈招君載書來著作于官司編

年仿司馬當廢薛應旂

君為畢中丞撰宋元通鑑

君談始深接君

學方深窺暇日出我書折衷而拾遺十言九合轍閉

戶法在茲微嫌我驚俗改字搜根基我言證佐明例

不避謗誅君書列學官邢昺不敢晞眇然當世間所

待言者誰君終望中丞功業今臯夔

聖人重文

治入告必領頤石經最宜奏次者兩廡祠光光許叔

重學行純無疵景純自忠烈賢舍誦厥詞奈何小說

家緣節致詆訾。中郎比康成。術業無參差。三賢配游  
夏。後世頌不衰。立言古人敦。獻可良臣爲。翰林近言  
官。君位清不卑。有時得遷除。亦合陳丹墀。狂夫及芻  
蕘。惟君擇從違。俗流但因循。讒者曰。詒癡。我今如愚  
公。用志山可移。贈言愧無文。繼之以歌騶。踟躇惜將  
別。且復傾千巵。丈夫戀日月。苦乏名譽垂。交朋重知  
己。謂有藥石規。心酸勿揮涕。爲其近女兒。同術而同  
方。天涯若堂闈。努力研遺經。暇卽長相思。

### 李斯泰山石刻題後

穆書失政和。

世傳周穆王吉日癸巳書原本以政和  
收入內府亂後失之今惟有宋人摹本

獵鼓疑宇文。

近時審定石鼓爲宇文周時物  
惟江未漢布衣及予信之最堅繼周數

石刻。惟有斯篆存。嶧山會稽書。摹勒非其真。茲碑立  
榛莽。缺畫鬼所捫。邇來碧霞宮。復遭野火燔。豈其坑  
儒魂。來報焚書冤。阿房三月灰。餘燄猶復然。我言嬴  
秦罪。在廢籀古文。改篆而篆亡。毀經而經尊。幾令周  
孔字。禁抑不得傳。非有叔重功。六義無淵原。堂堂李  
丞相。獨著倉頡篇。奉詔寫石刻。下筆整不偏。斥棄徒  
隸文。程邈詎敢干。法家尙刻削。此蹟何真淳。試讀逐  
客書。後愚而前賢。觀其遭時屯。變本亦可憐。眇然訪  
遺本。落落區宇閒。愛此匪恤私。持贈友意殷。身不  
及紙完好。無百年。楚人得失弓。達者忘其人。題名倘  
畱世。何必歸子孫。

遊黃山效庾信體

茲山上古闢。千載幾來人。丹泉濯遊趾。晴瀑隔凡塵。  
壁裂纔分逕。松平半入嚙。山花積疑雪。風鳴落如雲。  
絕頂誰同上。高吟帝座間。

綠芳銷更發。紅葉疊猶深。梵香生作霧。仙樂聽疑禽。  
石潤如凝露。雲鮮不結陰。突崖天曙色。空壁溜宮音。  
到此冠簪賤。惟餘樵牧尋。輕身少方術。懸布媿登臨。

曉偕莊公子

達吉

舍弟

星衡

至盤屋仙遊寺觀

玉女房值莊明府

所

自爛柴坪回紀遊一首

蒼烟合山麓。中有平田開。耕犢散不收。閒禽啄莓苔。  
五里轉一邨。邨居始晨炊。非巢亦非穴。結構巖端危。

人聲。襍鳥語。木末參差來仙潭。不知源忽迸地底雷。  
千年洗山骨。隋若刀斧裁。潭邊東西寺。略約橫崔嵬。  
十登九不渡。側足心驚猜。頗聞飛仙人。過此常徘徊。  
石房自天構。簫聲拂雲迴。清泉至今瀉。月出疑來窺。  
我思二三月。片席坐不回。雨花颯然深。風蘿半空吹。  
目讀秘笈書。手浣平生埃。巖阿值賢宰。一笑傾尊罍。  
公子況已從。矯矯含僊才。阿連亦能咏。助我伸雙眉。  
何如武林遊。獨往難重追。

山齋曉起

曉風吹檐絲。桐花落如剪。暗綠凝愁眉。濕江團淚臉。  
羃羃生竹烟。斑斑積階蘚。蟬軀換靈質。柏髮易衰鬢。

空簾感秋人。流光展書餞。

潤州舟次偕黃二

景仁作

谿回入邨遲。汐至卸帆早。暗槩翻月波。濕螢抱風草。  
鱗鱗夕雲起。漠漠水烟裊。星芒落空潭。露眼出深篠。  
微聞櫂歌遠。稍辨角聲曉。客程厭邇迴。夜色賞清好。  
從君買扁舟。達性逐沙鳥。

江陰舟夜同呂大

星垣作

明月雖不行。舟行月常在。披衣出船尾。已與郭門背。  
深林閃燐火。遠樹作人態。零露初無聲。白此千頃菜。  
孤犬吠風影。征人語烟靄。驚鴻萬里來。涼雲忽破碎。  
幽蟲各清叫。噫氣滿大塊。淒然感秋心。振動不可耐。

此行殊不遠。作客同一慨。返思宴居夕。坐惜清光晦。  
平生好探奇。欲出天下內。仙槎倘可乘。銀河儼相對。  
夜坐寄友

明星搖空天。暗螢泣幽草。虛簾閉。秋情風枝聽。梳掃  
之子隔衡宇。使我鬱懷抱。東林月華遲。北牖夜涼早。  
沈憂對缸花。腹語中自擣。人生盡如此。彭咸亦須天。  
保此青霞心。毋令坐枯槁。

對月答室人作

待月月既出。含情奈月何。微風吹秋衣。對影如橫波。  
下階怯寒露。入室愁清娥。與子非一身。牽連抱微疴。  
空光媚幽夜。聊復舒雙蛾。浮雲若危槎。中有仙人過。

我願凌蒼蒼。攜子招常娥。靈藥擣果成。一飲生春和。  
道逢瑤池母。霜鬢衰髮髻。桂蠹百回死。老蟾瘦么麼。  
天上不可居。玉女寒峩峩。踟躕忽中墜。似失朱顏酖。  
青山愛綠髮。訪道休蹉跎。此月千遍圓。百年亦投梭。  
浮榮安足珍。伐性恐已多。與子金石心。相期託烟蘿。

朱相國師

珪

招飲卽席賜詩依韻和呈

直園天尺五。開徑水一方。新陰改炎序。名花殿春芳。  
吾師坐論歸。對此風日良。及門盡盧鄭。接迹隨求羊。  
清言挹箴訓。雅集酬詩章。願宏開閣風。不獨由升堂。  
再推衢尊惠。視此醇醪觴。春風滿函丈。飽德逾尋常。  
粗官守學殖。轉粟勤輪將。懼忝衣鉢傳。敢期竹素光。



題天津沈觀察

長春

振溺圖

天津地卑下。九河存一枝。易派此交注。海水湧有時。  
郡城浸及雉。民戶安能支。叫號奔竄中。沈溺相攜持。  
賢宰閔厥災。櫛沐瘁不辭。登城察高敞。築舍鳩窮黎。  
在遠載以舟。附近家可移。糞糜置中衢。佐以餅餌施。  
來者既得食。老弱亦不遺。全活及千億。官力民未知。  
封章達天閭。矜恤動

聖慈。民居漸寧。復得此鼓

腹嬉。返思水國中。一月溺。且饑。嗷嗷待發。粟賴宰行。  
便宜非宰。善擘畫。魚頭無孑遺。宰今位直指。一路覘。  
旌麾。宣防建殊績。繪圖不忘危。畿輔水利區。溝洫猶。  
可爲義倉。始恪敏。

方恪敏觀成督畿輔時爲義倉圖

積貯宜未虧。和

糴煩。挈。肘。市。賈。爭。居。奇。庶。幾。一。年。蓄。偏。灾。免。流。離。善。  
政。有。本。末。事。在。賢。監。司。穀。賤。民。不。貧。足。國。恒。于。斯。事。  
前。不。籌。度。事。後。空。嗟。咨。留。此。一。幅。圖。以。爲。良。吏。規。

齋中四木

矯。矯。百。尺。桐。立。根。據。孤。岑。前。有。金。井。欄。後。有。車。馬。音。  
繁。條。耀。春。華。密。葉。團。秋。陰。但。須。有。琴。材。何。必。伐。作。琴。  
幽。蘭。瘦。秋。姿。衆。草。矜。華。風。佳。人。惜。孤。芳。惆。悵。誰。與。同。  
托。板。諒。無。求。靜。植。宜。山。空。莫。生。瑤。池。側。旖。旎。修。春。容。  
年。年。貴。侯。家。金。盆。易。新。叢。  
種。榆。莫。當。庭。下。有。半。畝。竹。榆。高。多。惡。陰。風。露。不。得。足。  
叢。蘿。附。枝。榮。直。節。自。幽。獨。

團團古欄桂。秋風發華滋。碧葉羅曉烟。幽香散涼颿。  
同是明月根。升沈異雲泥。我欲持上天。高寒露無梯。  
素娥妒奇芬。不共玉宇棲。幸饒歲寒姿。恥學桃李蹊。  
折芳寄靈均。倘與荃蕙齊。

咏古

時在曹上作

粲粲羊叔子。守正靡所之。去之三家邑。攘羊來饋遺。  
受之懼傷義。不受內自危。埋羊待其敗。事發衆始知。  
我謂羊舌愚。君子寧獨爲。攘羊事不發。誰能辨嫌疑。

題胡孝廉

康

說經圖

宋儒逞臆說。章句繁言詞。漢儒各專門。學必宗其師。  
遺經有淵源。在此不在彼。諸君力追古。上接七十子。

三人已爲衆。彙作烈士圖。我交陳太邱。二子識面初。  
圖中錢孝廉大生逢先達賢連名薦公府。冰山有時昭陳孝廉鯁。和者子爲文呈朱撫部石君師皖江。  
推榮名奪華。懋和者子爲文呈朱撫部石君師皖江。  
其事嗟予媿。民牧挈肘避上游。鏗鏘守遺經。時恐罹  
其尤。相期連茹升。朝綱正清肅。謬謬鼎足賢容容。  
折其角。

題朱方伯勲撫松圖

昔我別北山。五松冷清陰。金陵寄居五松祠在鍾山北有古松五株歸來  
對蒼髯。頭上慚霜侵。方伯今棟梁。豈得棲邱岑。茲圖  
取彭澤。偶似思長林。古來賢達士。各有蕭散襟。撫此  
孤生枝。同盟歲寒心。盤空結虬影。絕壁驚龍吟。彼哉

模棱器。魏爾生。千尋落落用世才。蒼生望君深。藩條

芑。關隴所到流芳音。甘棠路人思。大樹介士欽。寶區

想風采。慕有節鉞臨。丹墀謁。天子鵠尾標華簪。

轉圜達民隱。如獻大寶箴。懷。恩既優渥。晚節宜

深沈。外臺日疲耗。言利由僉壬。君才信傲儻。所見通

古今。觀人察周書。阜財佐虞琴。不在飾小廉。齟齬

釜鬻。我今迫衰謝。公事難肩任。思隨松間鶴。五松祠有白鶴

一雙寄養他處去。作書中。蟬貧官。贈人言珍重。逾兼金。

題阮中丞元雷塘表墓圖次翁閣學方綱韻

歐陽表瀧岡。蛟龍攫文字。況公廬墓處。自作雷塘記。

一室研禮經。三年守喪次。奪情必金革。拜疏忠孝備。

笠屐神清臞。松杉手攢植。翔禽或馴繞。古碣仍洩秘。  
藥藥鶴立身。鬱鬱牛眠地。蒼生還望歲。斯人寧散置。  
我衰棹歸舟。日想謝塵事。將乘邗溝月。一攬蜀岡翠。

澄清堂稿卷下

芳茂山人詩錄第二

智鼎歌畢中丞

沅席上分賦

詩本分賦樂游集刊爲聯句

陳倉石鼓昔初得韓始欲歌辭不敏偉哉斯鼎晚方  
出坐使才人俊難忍鑄成二尺徑四尺字或如螭又  
如蚓東坡欲讀歎塞默南仲如尋有譌僻賴通六義  
求偏旁頗涉百家知的埠文云生霸合班志以霸爲  
魄差可引又云賞馬証許書有賞無償乃其準推尋  
井氏得穆傳考驗王居值京尹同名不嫌或齊忽去  
古未遠猶稱朕信知穆後有共宣不到周餘人獵狁  
豐宮當時大祐禘重器昔聞陪業鏤銘功示世真恢  
奇覆鼎入門何轉殿六卿無事飽公餽同姓駿奔分

社祿百鈞。涵牛目腹。潤牛面鑄。鑿猶目。眈雷雲舊制。  
匪糾結彩翠。細文浮癰胗。薦之仍几承。以黼佐以莞。  
筵績之純巧。倂如過訝。敵指力士試。扛曾絕臍。豈知  
楚問。至郊廓。早見秦謀動。儀軫子孫永。寶嗟云云。七  
鬯。一驚憂。養養遷都。已謝挈瓶智。八泗還聞買金墮。  
休屠出世先。崢嶸長翟模。形亦輪囷。此時此鼎落。何  
處藏壑藏舟。守其牝咸陽原頭赤流燒。渭水都前綠  
封畛。曾鄰馬豕勢隍机。留鎮終南骨嶢嶢。誰云有耳  
竟沈埋。幸免折足。遭牽紉。宣和大索究。誰獲神物欲  
降須天尤。時清一出世。方寶斗際多年氣。成蜃廟堂  
之質。古所惜。草莽如遺孰當愍。試饒經傳識科斗。藉



靖俗學。喧聒泥沙。乍脫尙班駁。顏色驟開還。鯢鱗  
靜思世事。直奔駒却愛字。鋒仍畫隼。與君拂拭過銑  
壘。使我摩挲類珉珞。焦山鼎存苦狹。咽吳郡地大空  
隱。賑靈巖之山水之淚。積翠疑鬟。黛疑鬟。明駝千里  
好移致。錦罽十重宜載。稠詎因螭魅避光芒。要伴金  
仙置。闌楯鈞金摩拓動都邑。闔縣傳看走愚蠢。便從  
物外與山壽。不共劫灰隨數盡。高齋古色燭鬚眉。祕  
室清吟鉢肝腎。成詩或讓侯。喜奇識字庶謝楊雄。哂  
偕楊三。倫洪大。禮古黃二。景仁放舟看荷至平

山堂

西風吹散青燐火。幾處苑門深不鎖。澗底宮娃化碧

多。月明。幻。出。花。千。顆。細。絲。垂。柳。濃。埽。天。白。蘋。葉。暖。生。  
暮。烟。水。香。十。里。泛。舟。入。似。夢。非。夢。仙。非。仙。石。逕。朱。欄。  
看。不。足。驚。蟬。一。聲。溪。樹。綠。商。女。何。知。說。舊。遊。吳。娘。只。  
解。歌。新。曲。輕。橈。貼。水。橋。上。頭。移。蓬。爭。得。風。颼。颼。露。華。  
點。衣。鬢。絲。裊。晚。涼。多。處。愁。清。秋。半。陂。森。沈。濕。紅。冷。岸。  
脚。插。入。波。光。暝。鷓。鴒。呼。不。來。喚。起。花。魂。抱。花。影。  
醉。中。看。天。天。倒。垂。仰。首。欲。踏。青。琉。璃。舟。人。催。歸。倦。僕。  
寐。斗。柄。行。挂。城。樓。西。是。時。月。落。風。滿。清。老。鴉。據。巢。作。  
鬼。語。巨。鱗。拍。波。亦。驚。舞。回。視。千。舟。杳。何。許。一。子。扣。舷。  
二。子。歌。我。手。不。放。金。叵。羅。隋。隄。今。古。屬。豪。貴。此。樂。終。  
讓。吾。曹。多。人。生。快。意。偶。然。爾。急。脫。征。衣。濯。清。泚。世。事。

翻覆有如此。君不見黑雲半天電光紫。

黃二景仁遊黃山歸索贈長句

黃生骨格何軒軒。擺脫羈紲辭籠樊。俯視世俗中心  
煩。悵然欲與山鬼言。南浮汨羅招屈原。洪濤浮瀾顛  
乾坤。寸磔幽怪償厥怨。長蛟潑血江爲渾。三湘七澤  
澧與沅。參差一聲波不喧。出沒交手多婬媛。與子晡  
髮觀潺湲。洞庭爲酒君山樽。八九雲夢胸中吞。胃中  
壘塊誰共論。扣舷大嘯呼靈均。酌以椒桂香溫磨。嘗  
聞黃山極天門。欲往叩額排帝閭。三十六峰愁攀援。  
人跡不到哀清猿。盤盤直上天宇昏。山慘怪魅來蹲  
蹲。蠻君鬼伯舌腭反。恍惚不懼存丹元。昂首大嘯捫

元根陽鳥。齟齬六合。瞰手折若木。敲金盆。鋪海萬頃。光沄沄。容成車。過紫霽。幡儵忽。變滅歸崑崙。忽然悲涕。心自捫。僕馬臨睨。愁雲屯。母齒其指。憂養殮。獨攜長鋏。歸田園。突兀環堵。嶺四垣。堂後撫視。忘憂萱。採擷蘭藻。供芳蓀。亦既覲止。笑以溫。我時叩門。日千番。羅縷異境。唇瀾翻。嗟我進退。羝觸藩。咫尺衡泌。拳肩跟。悲來但恐。歲月奔。感慨皮肉。生胙臀。君獨愛我氣。誼敦酣酒。過從常留髣。發篋示我千璣璠。元暉作友。太白昆補石。要使天無痕。書生有若蟲。處禪曷不棄。書佩玃豚。十年浪跡。車折轅。面目變盡。聲音存。雄雞一鳴。驚逃現。附子不差。魚化鯉。

九月十四日泊舟京江道中偕婦步月作

維舟入空濛。人境杳如隔。圓光上來遲。衆宿已改色。  
舟中少婦病不眠。交手起踏前溪烟。一風吹衣映空  
碧。欲立溪水行。青天溪聲葉聲聽不得。一夕秋涼萬  
蟲泣。稍看霧屋生。虛明已見風鐙入。深黑山寒入骨  
清。欲愁與子更化雙浮鷗。折荷爲衫佩珠露。願解羅  
綺捐東流。東流茫茫君莫問。萬瓦參差閉幽恨。浮家  
始此伴。紅顏出世應須及。青鬢蟄螢照路去已遙。對  
詠復過溪南橋。吟聲吹落客驚看。隔岸人語寒嘒嘒。

宿江上

朝行空江中。暮宿空江裏。江頭一痕山。日入化烟水。

波心月。出天蕩。搖欲上。不上知。天高游魚吹沙作飛  
雨。露氣逼樹分秋。毫櫓聲咿啞。若驚雁人語衝寒不  
能辨。橫洲鐙影紅萬條。接舵水紋明一線。漁歌入夢  
心四飛。忽復夢斷歌聲微。舟人搖客夢中去。魂在寒  
江醉吟處。

### 愁夜

宿愁如絲酒腸冷。病婦對牀知夕永。鐙青背壁菊入  
帷。臥隔生綃看花影。窓疏風露飛著身。哦息漸與吟  
蟲親。把書入夢聲在口。夢覺道書驚落手。

王廣文

吉士

沈公子

紹祖

招飲偕洪大

禮吉

看

月作

沈郎飲客愛客狂。樓高百尺置百觴。白眼倒視天茫茫。  
王郎飲客愛客語。名理泠泠一揮麈。座中洪生工  
論古。我擊玉壺君起舞。門前月出高挂城。屋底猶雜  
呼盧聲。僮眠觸屏燭花墜。主人情多執客袂。消腸腐  
脇不足辭。起聽宿鳥行前墀。神興出門足不知。對語  
清影扶松枝。城南古原舊遊處。露葉螢光冷無數。洪  
生橫絕意氣孤。跣足先行不回顧。深林時有碧火然。  
人氣一縷生荒烟。倒身看天向天臥。明月欲墮胸懷  
閒。此時霜落肌骨瑩。酒力出與清寒爭。星辰高高動  
風色。呼吸疑有天。公驚幽魂四飛。宵如夢。木魅聲寒  
出林空。知君馳歸已神王。看我獨往尤心動。人生幾

時樂莫違。倏忽老去。羞兒嬉。新叢生枝。故改色。君看  
今夕。非前夕。古人雖存。復何益。髮白面皺。吁。可惜。

青元觀看菊贈徐道士

道人無家花作命。只種此花開獨盛。愆陽自說人力  
多。觸熱我知花骨勁。原頭草枯落照紅。更上傑閣看  
雲峰。秋心不及花態濃。九月邨景如殘冬。

題沈公子行卷

沈郎幽棲絕塵務。近復移牀後園住。谿山一曲寫作  
圖。已被佳客窺佳處。垂楊出牆高拂街。打門動竹花  
墮懷。狂來只立樓上舞。醉倒欲就尊前埋。巖居半畝  
膝足容。我覺天地真樊籠。曉霞暮霞山氣紅。中有孤



鶴盤長風

與洪大禮吉晚步

烏雅投林暮天闊。日落草枯山欲出。原頭遊客屋底來。却顧屋檐飛木末。山城節冷如邨塢。野陌逕微車轍古。只看落葉墮地碎。未覺清影隨人舞。十步失路五步回。暝色先入寒松堆。新骸委城蠅未斷。舊石臥冢樵爭來。涼風蕭蕭況短晷。不飲誰能復遊此。不然從君呼鷹射虎氣。亦豪觀者髮動驂騑驕。

登廢寺千佛樓作

城東佛樓幾年閉。塞逕秋樛刺芒利。飛燐射屋烏啄牆。鬼風吹檐斷佛臂。此閒非墓非戰原。豈有厲魄號

煩冤青狸捧骨夜窺月。日氣不到羅神姦。迎廊一僧  
病枯瘠。見慣妖蹤訝人跡。老莎出戶曲復斜。反鎖空  
堂晝深黑。樓前慘碧竹作圍。逼袖細影明寒暄。殘霖  
滴階漬幽血。敗粉剥壁生陰苔。竹梢朦朧上無路。疑  
墮中宵夢遊處。回頭不憶隔世來。過眼復恐今生去。  
檐牙壓肩樓脚搖。驚起穴棟千年鴟。屏聲獨立瓦爭  
落。失勢一墜魂難招。原頭日落樹蒼莽。既下心神久  
恍恍。林端却顧寺角移。那得騰身立平壤。

荅洪大醉後之作兼懷黃仲則

平林交柯複牆短。虛堂貯月不得滿。停盃待月客入  
門。月色正落幽人樽。主人攜壺客呼酒。倦僕已若寒

鴟蹲。謹聲滿堂。忽不樂。可惜長年付殘燭。尊前花好。只數枝。門外葉。飄多。覆屋。謫僊旣死。今再來。月魄暫掩。非真虧。百年狂飲復茲夕。少別一刻。無由回。人生快意如石火。別後相思淚空墮。壯心愁作四十人。不及紅顏醉埋我。

### 花下獨飲

幽人獨飲宵閉門。起喚花月來清樽。樽深中搖碧天色。只惜月好無由吞。牆根幽花不厭貧。愁欲對語寒相溫。繞花百匝枝在身。醉影貼地疑花魂。林烟墜空如綠塵。酒面冷灑微霜醺。西風吹園落葉奔。游蜨半老黃衣禪。時到舊處懷前因。寒蟲近熱奔不親。倒身

看花落月昏更藉石髮窮朝嗽

樓上

樓雅牽愁啼近遠獨客夢踈嫌怨淺曉魂出戶看流  
烟露濕一星當淚眼市聲謔謔時斷續碎霧塞街檐  
角矗卷簾結束寒撲衣瘦雪初消瓦苔綠平蕪茫茫  
變臺榭似醉朱顏醒難借前歲海棠今歲枯東家女  
兒怨將嫁

樓上倚聲圖

複牆沈沈井梧落天上聲來辨樓閣樓頭美人吹暮  
愁一葉入戶驚魂流藕絲嫌單腕嫌弱倒視牆根月  
痕却銀河側注樓角西聽斷蟲響聞雅啼秋心如烟

收不得露鬢凝光五更白

入茅山作

松梢浮煙暮霞薄。櫨葉無人自相逐。山根草死聞枯  
香。碎石馬蹄聲促促。迴嚙千盤失徒侶。日入山空響  
樵斧。雙谿石髮伏暗泉。十月山禽作春語。

小除日毘陵市中別洪大

禮吉

楊三

倫醉作

千杯酬我上北邙。不及容我生前狂。千言相思寄行  
路。不及逢君得君怒。君來巷南笑拍肩。入市欲藉糟  
邱眠。官街隆隆塞賓從。酌酒還呼乞人共。乞人鵠面  
懸鵠衣。呼之驚顧行逶迤。胸無餘事得一醉。漸冒與  
我行天機。市橋來看立重足。更脫纓裾舞鸛鵒。我生

志大不自量。非薄曩哲如糝糠。小儒不荅風射耳。愛  
我如君合心死。屈魂鮑鬼不可呼。我識二子今應無。  
三千年來復誰樂。六十日醉真吾徒。凡鉛難燒石難  
煮。此腸應歸濁醪腐眼中。絕業合有傳身後。榮名苦  
無主。三更惜別各不知。欲去顛倒前相持。幽魂茫茫  
墮空闕。側聽鄉語離多時。菰蒲蕭蕭夢中過。骨冷還  
疑枕君臥。

壬寅八月十一日夜西安節署終南僊館步月  
聽趙芝雲彈琴作

秋河下映秋池清。中閒月出隨波盈。煙中影結多時。  
綠風裏輝流不定。明秋堂主人有仙骨。授簡賓僚待

秋月珠履宵沾白露移。碧紗幕對青山揭。此時分照  
入千門。十二閒街靜碾塵。斷續城中傳柝響。依稀樓  
畔搗衣人。銀屏夜落橫琴影。月底弄琴索冷指上。  
清光凌亂生弦中。商意分明緊一彈。秋月生波瀾再。  
彈秋花欲語言。流螢乍落看還住。斷雁將飛似更還。  
石闌前頭百重樹。葉葉枝枝化煙霧。樓閣疑浮海上。  
來風。泉忽到山深處。曲終月淡天爲高。何處仍吹宛  
轉簫。一聲約住流雲影。萬里魚鱗豔不銷。主人尋幽  
足幽思。何必東山挾聲伎。君不見終南仙館夜深琴。  
門外終南碧無際。

冠山堂夜飲歌柬姚廉訪

願湖南

冠山堂中列紅燭。主人有酒傾百斛。中丞夜呼客論  
文。客醉不歸靜寄園。節署園名春風吹愁散。懷抱座上才  
人各。英妙平原孟嘗並一時。却望長安共西笑。千金  
招賢東閣開。千金買花池館栽。看題捧硯盡紅袖。潑  
墨試取青眸回。桃花千枝弄容悅。欲奪尊前酒嬌色。  
一聲豔曲飛上天。明月白雲行不得。獸鑪紅深三寸  
灰。那信急雪凌春來。停歌出戶一驚顧。醉影忽落瓊  
瑤臺。雪光朝朝花暮暮。愛客筵張日三度。明朝花落  
雪還晴。主人遷官客岐路。終南雲生入洞庭。客送主  
人霸上亭。回紅轉綠不容惜。一舸去照瀟湘清。尺書  
問訊衡陽雁。何日東山續歡燕。園深花發客愁來。此



客知公亦稀見

聞鵬曲在潁州作

月眉顰煙星泣露蜀魄叫天天欲曙客呼不歸春竟歸  
亂踏花枝覓花處潁濱裊裊半夜風吹聲墮水忽在空  
可憐濃綠一千樹血今化碧啼不紅錦江飛雲劒門雨  
果若欲歸當遠舉勸君莫學好語言白玉雕籠閉鸚鵡

趙子昂畫馬歌在中州節署作

王孫畫馬愛馬多攢蹄婉頸眠青莎此圖奇絕獨無匹  
滿紙愁雲一龍出錦鞵玉勒難爲施紫髯胡奴相視  
嘻草痕連天接天外萬里長風忽相待將隨夸父

逐紅輪直軼神夔蹈滄海穆王敢乘不敢騎駿骨困  
若鹽車嘶項王能騎苦無遇一喚柰何徒易主知音  
昔逢唐太宗與之血戰成大功感恩至死意不足昭  
陵化石猶騰空不然桃林之山連太華放汝清時樂  
閑暇人閒壯士亦不羈局促休教老轅下

與洪大

禮吉

醉臥古冢明日戲作

兩生宵來醉眠處却往經過不能去原頭乃有大臥  
人一簣斗起殊嶙峋道旁農人爲余語此墓多年近  
畊塢天寒出窟狐作羣林空無人鳥呼侶悵然爲憶  
昨日遊快意一失成千秋試呼墓中人汝亦能飲不  
醉魂飄飄出幽穴知汝見麴涎應流山頭土乾夜寂

寔知汝哀歌動吟魄得非古豪英列屋羅嬌姬瓊盃  
綺食伐天性坐使螻蟻相凌欺不然朝行碌碌厠官  
尹似吏非吏隱非隱黃金買譽立作碑摩滅不博行  
人憫清風朗月去不回知汝至樂無如歸百年大寤  
信豪舉回視身世真劫灰吾儕不飲亦黃土夷蹠塵  
埃各千古一抔榛棘死何靈莫聽酒人頭上舞

偕莊明府

所

同遊樓觀作歌

青松閣樓閣已起還復傾樓閣看遊人已盡還復生  
說經臺高入雲裏臺外看雲海濤起一溪泉響辨東  
西十里秋林亂紅紫坡陀曲折上扣門開軒對山銜  
酒尊道人怪客愛山險白日虎跳元猿蹲臺南古道

何年毀秦廟。千秋屹然在。可憐詞客百回尋。已斷邨  
農幾時賽蒼碑。碧蘚生模糊。拂衣猶認武德餘。當時  
惇軾自豪士。先我題壁來踟躕。踟躕弔古南山下。就  
水茫茫去平野。大陵昇仙亦葬仙。古柏繫牛今繫馬。  
我思五千言。亦藉尹文始。強畱著述勝丹藥。至竟神  
仙託青史。莊侯跌宕非常倫。知我寵辱如浮雲。匡山  
自有讀書處。且門見在遊山身。

徐民部

大椿

所藏戴嶧門牛圖

民部善書

一牛藏威。一牛突。一人操鞭。一人蹶達。官行人速走。  
卒呼聲方喧。鼓聲竭。千年東絹黯殘闕。人物森然動  
毛髮。畫家書家重神骨。想見落筆如落鵲。主人臨池

用心矻運腕千鈞託豪忽義之復生戴嶧歿華堂羅  
賓酒盃凸雪地冰天避塵堀論詩看畫得津筏世事  
牛毛付消歇我聞清時默不狘勸君更寫蛩負蜃

題聽雨樓圖

樓爲明嚴世蕃故宅查給諫瑩  
今居之奉使楚中作圖攜歸

一樓何時聽雨名當時何人之所營昔人耳厭歌管  
聲可憐有雨聽不清樓如傳舍人常換樓外西山青  
不斷豪門幾日變騷壇前有狀元今給諫畢督部沅  
先曾居此  
繞樓手植青琅玕甘蕉葉大不屑彈貯書萬卷畫萬  
軸閉門便作山林看當時主人別樓去山色橫空雨  
來處袖中攜得瀟湘煙筆下獨排崔顥句衡山九面  
隨輅車此時却夢樓頭居燕雲忽落畫師手雨中春

樹青模糊歸來恰見咳蘭苗。未晚春暉最遲日。此樓  
此畫一時開想見元龍好風骨。我亦僦屋東頭城紅  
塵不到書帶生遊人却愛櫻桃館他日誰圖問字亭。  
予居深公園題其  
室曰櫻桃傳舍

偕句容朱文學錯及王公子出遊得梁井闌題

字作

出門一鋪隨一丁錯認乘醉埋劉伶井牀古字待我  
發城根徒步來蛤蜊誅鉏草土辨摹刻如讀怪牒搜  
仙經文云天監丙申歲作亭與井因書銘蕭梁天子  
初佞佛冀以方便延千齡。是年淮堰起復壞飢鴻四  
野哀颺零豈知皇帝愍渴乏欲借一勺詒生靈周田

八家共一井。漢制十里置一亭。濟人興廢有司事。何  
用天語煩丁寧。黃河之潤泰山雨。澤及天下由朝廷。  
楊枝甘露詎足恃。金仙入夢呼不醒。異時臨渴更誰  
愍。荷荷口苦無人聽。悲歌弔古亦多事。但愛照影波  
清冷。千年萬口汲不竭。知有地脉通滄溟。摩挲苔蘚  
剔圭角。急印墨本懸中庭。此文埋沒分終古。日近汲  
綆堆長瓶。其前牧馬肆蹴踏。行客縱至誰畱停。欸然  
遇我自天幸。若獲知己雙眸青。王郎朱子好風調。是井文以王蔭可言見子  
葛府君碑以朱筠谷言告我如試終軍。歸途把臂  
又欲醉。便恐一別如晨星。

題黃二

景仁

所藏黃山圖

新安老子何嬉頽。看山不飽思吞山。胸中礨确化清  
墨。失醉吐出千煙鬟。山邪雲邪倏滅沒。恍兮惚兮難  
追攀。羣峯奪路石根走。啼視一縷飛橋彎。雲門兩峯  
最巉絕。峯峩橫起通元關。何人振衣立長嘯。木葉脫  
落生秋顏。俯几寂聽睥眄久。魂去颯若風吹還。尺綰  
非小。世非大。高視疊巘卑塵寰。茫茫造化本一氣。元  
精只在秋毫間。要令開卷蕩心魄。想見放筆愁神姦。  
惜哉吾生不得往。諏度妙景空迴環。黃生去後山色  
死。清水白石哀潺湲。竦身指點舊遊處。出入高下窮  
險艱。危吟已拚鬢髮斷。久病豈惜腰軀孱。歸來拂袖  
出奇句。似哂壯士投荒菅。男兒途窮葬巖谷。有淚不



對蓬蒿。我歌君詩。憤才薄。復見此畫。悲緣慳。惜哉  
吾生不得往。縱死恨血千年殷。

夜坐吟

斜簾纖月。秋波紋薄。露壓草生幽芬。玉階美人抱書  
歎。珊瑚病慵堆綠雲。複牆貼樹團團影。苟令心煩自  
取冷。蜀桐囊澀挂新愁。唧唧暑蟲吟石井。

玉蟾洗林光漉漉。空堂楚辭不堪讀。草肥蘭瘦衝涼  
煙。石髮游根被秋屋。橫竹暮愁生隔鄰。冰文簟孤吟  
骨驚。古梁雛燕夢離鶯。割情如絲補天傾。桂葉暗輸  
人鬢好。雨塘青帝年年老。

秋夜曲

月色如流煙林光若團霧露脚飛着青羅寒幽蟲四  
鳴不知處前日一書回今日一書回一回開書一回  
瘦窺鏡但識雙蛾斜憶君去時葉初下別後梧桐落  
如雨清霜作秋天改容況復紅顏坐離苦倚牀欲奏  
鴛鴦絃君今聽曲何處邊微風淒淒不能傳更長睡  
短那可眠

海棠向夕愁清寒桂花搖風飛滿欄幽魂初醒夢不  
返恍惚疑睇青雲端青天冥冥雁聲苦君今不歸何  
處所雲雖來兮不可攀月雖明兮不能語寒燈霏微  
背羅幃照見壁上蠨蛸絲書來字字有離別此恨不  
訴君當知

鄒縣山程訪女媧遺蹟

一山如匡疊石方按古圖籍疑承筐

元和志在城自承筐山卽鄒縣

也此山

女媧欲出混沌死剩有巧骨支天荒披榛三里

得遺廟結構盤鬱松青蒼延緣石級剔碑版瞻拜廟

貌登堂皇儷皮昔日始嫁娶民俗傳說呼爹孃此邦

風姓接風后任國不祀顓臾亡千秋祭賽足香火三

縣交錯迷圻疆

女媧遺跡唐隄隄縣隄山兼隄魚臺

一抔究竟落

何詐道士指點依前岡山陽舊是伏羲葬鬱鬱陵冢

遙相望

晉皇甫謐云伏羲陵在山陽唐李吉甫十道志云在兗州皆卽今魚臺縣隄山明代誤以

太昊陵在陳我來訪古契太始翻媧識字充中腸長

州於古無据天不了日斜出四山迴合身中央心空萬里見虛白

眼過百事如。耽穠居人淳。樸聚三五口。說上世遺陶。  
唐匆匆不及飽。雞黍却笑旌旆前。飛揚出山恍惚間。  
甲子歲除已逼何奔忙。

倚松靠石圖爲張轉運映樓作

一卷之石三兩松。恍與奇士披心胸。此中獨坐意幽  
絕。要比松高石堅潔。有時白眼看冰山。多少繁華共  
磨滅。君家東住泰岱雲。松五大夫峯丈人。一邱一壑  
幾時別。江左蒼生要君出。好攜長劍倚空行。足底笑  
視松濤聲。

題熹平石經榻本次翁閣學方綱韻

熹平經石立千載。硯山主人去百年。摩挲榻本玩殘

字吉黃片羽欣流傳。虎賁相對故宛爾。靈光猶在仍  
歸然。北平閣學今退谷。研經閉戶窮遺編。搜奇快覩  
古汲冢。博物不數張茂先。漢碑唐刻鑒不爽。如以寸  
晷知義躔。長篇連牘題爲我。裘用貝錦熏龍涎。我貧  
而仕尙壁立。購此不惜十萬錢。邯鄲淳書已細釋。去冬  
曾爲三體石經考蔡中郎筆誰重鐫。關中洛下昔親到。詢訪  
古迹懷丹鉛。開成尙見碣排比。鴻都空想車誼填。弄  
藏佳拓証經本。此刻後得如珠聯。殷庚今文魯論句。  
箴砭俗學譌相沿。不其或迪孝子孝。片語可抵經文  
全。洛陽碑石儻復出。魯王壁簡應重詮。同文況值  
聖人代。壁廡特建波迴圓。篆書若借少溫手。老屋

更補尚書篇如公耆壽在厥服好結翰墨非常緣

題周太守光裕郎關花柳圖

周郎作宰我入關有似賀監逢青蓮我官京師君入  
覲一別幾年驚問訊仍圍華燭倒清尊未見飛  
霜著青鬢星離雨散又十年年華半老官頻遷從軍  
細讀仲宣句躍馬欣看祖逖鞭一麾行部南山麓萬  
里長城漢江曲亞夫壁壘自家傳公瑾風流在人目  
八年奏績辭郎關短衣匹馬尋雲山墨衰孝子追駟  
隙白面書生換鵝冠羯來謁帝重持節莫負凌  
煙好風骨畫中花柳似江南我欲因之息車轍時擬乞假